

PRESS HAND OUT

2025 HEALTH SUNDAY LEH HOSPITAL SUNDAY CHUNGCHANG

1. Health Sunday: Phar Pathianni chu 1985 Synod Gen 27-na thu angin 1988 aţangin January Pathianni hnunung berah hman thin a ni a. KTP Bial Conference nen a innan/inruual chang a awm thin avangin February Pathianni vawi thumnaah hman thin a rel nghe nghe a ni. Kum 2004 Synod Gen 5-na chuan, *“Phar Pathianni (Leprosy Sunday) hi phar pual chauh ni lovin, natna dangte huamin ‘Health Sunday’ tia thlak ni tawh sela, chin fel ngai apiang chu SEC-in lo bawh zui rawh se”* tiin a rela. Kum 2006 aţangin **Health Sunday** tiin hman a ni a. **Kum 2006-ah chuan Malaria chanchin zir turin a thlang a, a bu pawh Hospital-in lo siam nghal rawh se,** tiin rel a ni (SEC 202:10; June 1 - 3, 2005). Tun thlengin Hospital Board Executive Committee-in Health Sunday-a zir tur thupui thlangin a ziaktu tur pawh a ruat ta zel a ni.

2. Hospital Sunday: Assembly 1929, No 20-ah chuan, *“Zoram Hmar chan pum pui hian Mission Damdawi In Chawlhni atan kan Lal Isua thih champhaphak Chawlhni hi kum tin kham thin ila. Damdawi In tanpui nan chuan theih ang zawng zawngin Kohhran tinin thawhlawm siam ila Damdawi In pawimawhzia te sawiin, mite tan tanngţaisak tur a ni ang,”* tiin an lo rel tawh a.

Assembly 1930, No 2-ah, *“Damdawi In lam thu ngaihtuah turin Committee nei ila kan ti a, Assembly Standing Committee hi kum khat chungţang sela kan ti,”* tihte a ni.

Standing Committee 12.2.1930 No. 2-ah chuan, *“Durtlang Damdawi In Chawlhni thawhlawm thuah Kohhran tinin an lo hriat theuh theih nan thu phuah ila, Tlangau Buah chhuah ila. A thu phuah tu atan Dr. Sap leh D. Thianga leh Assembly ziaktute an ni ang,”* tiin rel a ni.

Kum 1980 Synod Gen. 2-na chuan, ‘SEC 64:16 aţanga Hospital Sunday atana **July Pathianni hmasa ber ruat** ngheh rawtna lo kal chu tha kan ti a, kan pawm, tiin kum 1981 aţangin kan hmang tan a ni (*Synod Thurel Lak khawm Volume III pheh 510*).

3. Health & Hospital Sunday: Kum 2008 Synod Gen. 67-na chuan, *“Health Sunday leh Hospital Sunday hi Pathianni vawi khatah hman ni sela, tih a rel leh a. SEC-in a bawh zui a, Hospital Sunday kum tam tak lo hman tawh July Pathianni hmasa berah hman thin ni se, Chawhnu Health Sunday pual, Zan Hospital puala hman turin a pawm a {SEC 223:14; June 2-4, 2009 (Appendix- 2)}.* Health Sunday leh Hospital Sunday chu kum 2010 aţangin July Pathianni hmasa ber chawhnu leh zanah kan hmang a; tun thlengin kan la hmang ta zel a ni (*Synod Thurel Lak khawm Volume V 2001-2010 pheh 621-623 & 1079-1080*).

4. Charity peksak dan: Mizoram Presbyterian Kohhran chuan July 6, 2025 (Pathianni) chawhnu leh zan chu Health Sunday leh Hospital Sunday programme-in a hmang dawn a. Hemi Ni danchhenin Synod Hospital-in damlo mi rethei leh harsa, damdawi ina awmna man pe thei lo leh pek tlak tur nei lote tana Charity lo peksak thin dan, kum nga kalta chhunga mi han tar lang ila:

Kum 2020 - 2021-ah mi 409 – Rs 88,15,755
 Kum 2021 - 2022-ah mi 597 – Rs 1,19,79,116
 Kum 2022 - 2023-ah mi 508 – Rs 1,07,03,670
 Kum 2023-2024-ah mi 863 – Rs 2,18,04,753
 Kum 2024-2025-ah mi 882 – Rs 1,96,35,969
Belh khawm mi 3259 – Rs 7,29,39,263

Kan kohhran mi leh pawl dang kan peksak zat:

Kum	Presbyterian kohhran	Pawl Dang etc.
2020 - 2021 –	259 – Rs 58,78,044 (66.67%)	150 – Rs 29,37,711 (33.33%)
2021 - 2022 –	403 – Rs 84,29,350 (70.36%)	194 – Rs 35,49,811 (29.64%)
2022 - 2023 –	360 – Rs 73,55,737 (68.72%)	148 – Rs 33,47,933 (31.28%)
2023-2024 –	615 – Rs 1,52,94,206(70.14%)	248 – Rs 65,10,547 (29.85%)
2024-2025 –	626 – Rs 1,36,75,102(69.65%)	256 – Rs 59,60,867 (30.35%)
Belh khawm –	2263 –Rs 5,06,32,394 (69.41%)	996 – Rs 2,23,06,869 (30.59%)

June 30, 2025-a damlo mi 480-in awm man an la bat zat chu – Rs 2,03,59,678 a ni.

Sd/-
 Dr RL SANGHLUNA
 Director
 Synod Hospital, Durtlang